



28-08-2024

Inatsisartut suleriaasianni § 37 immikkoortoq 1 naappertorlu Naalackersuisunut apeqquteqaatit ataatungaani allassimasut matumuuna saqqummiuppakka:

Naalackersuisunut apeqqutit

- 1) Air Greenland-ip helikopteriutai H155 2021-imi atulersut maanna agguaqatigiissillugu ukiumut qasseriaq angalanissamik taamaatitsinermik eqquisarpat teknikkikkut ajoquteqarnertik pissutigalugu?**
- 2) Air Greenland-ip helikopteriutikui Bell212-it agguaqatigiisillugu ukiumut qasseriaq angalanissamik taamaatitsinermik eqquisarpat teknikkikkut ajoquteqarnertik pissutigalugu?**
- 3) Naalackersuisut isumaqarpat H155 angallassissutigissallugu nunatsinni tulluartuusoq? Taamaappat taamaangippalluunniit nassuiaammik ersarissumik paasisaqarnissaq kissaatiginarpoq.**

(Inatsisartunut ilaasortaq Anders Olsen, Siumut)

Tungavilersuut:

Ukiuni kingullerni, ukioq mannalumi annertuumik tusarsaavoq Air Greenland-ip helikopteriutai H155-it teknikkikkut ajoquteqarnertik pissutigalugu angalanissamik taamaatitsiinnartariaqartarnerit. Tamanna soorunami angalanianut annertuumik kingunerluttarpoq.

Suli ukiorpaalunni kiffartuussinissamik isumaqatigiissut aqqutigalugu qulimiguulimmik angallassinerit timmisartuutiqatigiiffiup isumagisartussaavai, pitsaasumillu ineriartortoqangippat isumaqarpunga siunissaq ernumanartuusoq.

Taamaammat kisitsisinngorlugu paaserusunnarpoq helikopterit massakkut atorpeqartut helikopterit siuliinut sanilliullugit teknikkikkut ajoquteqalartarnerit eqqarsaatigalugit naleqquttuunerat paasisaqarfigissallugu.

Apeqqutit ullut suliffiusut qulit iluanni akineqarsimanissaat kissaatigaara.